


Tusagassiorfinnut nalunaarut: Nujuartat neqaanni parasitteqarneranik paasissutissiineq.

Ukioq manna aamma tuttuni pisarineqartuni parasittinik (uumasuaqqanik miluuffigisaminit inuussutilinnik) nassaartoqarsimavoq. Paamiut-niit Kangerlussuaq-miillu piniartuniik nalunaarutigineqarpoq qumaarsussuup qullugiaanik arlalinnik tuttut neqaanni nassaartoqarsimasoq, taamaammat nunatta kitaata sineriaani allami nassaarineqarsinnaasut ilimanarpoq.

Tamanna Kalaallit Nunaanni Uumasut Nakorsaqaarfik Inuussutissalerinermullu Oqartussaniit (UNIO) nujuartat neqaanni uumasuaqqanik miluuffigisaminit inuussutilinnik assigiinngitsunik tunillatsittoqarsinnaaneranik kiisalu napparsimalinnginnissamut sillimanissaq suut malinneqartariaqarnersut pillugit ilisimatitsissuteqarput.

Trikinose: Trikinose nappaataavoq ulorianartoq uumasuniit inunnut tunillaassinnaasoq. Nappaammut pissutaapput rundormelarver trikinenik taaneqartartut, pingaartumik nersutini qaasuttuniittartut soorlu assersuutigalugu nannuni, aaverni, puisini, qimmini qimuttuni, amaqquni teriannissanilu. Trikinosemik tunillatsittoqarsinnaavoq uumasut siuliini taaneqartut neqaannik aapasunik nerigaanni. Neqimik qerititsineq trikininik tunillaajunnaarsitsisangilaq. Neqimi trikinit qullugiaannik peqarnerisooq isaannarmik takuneqarsinnaanngilaq. Trikinoserneq inummiit inummut tuniluunneq ajorpoq.

Kalaallit Nunaanni inuit trikinoseqartut arlaleriarluni paasineqartarpoq. Trikinosernermut malunniutaasinnaapput inalukkatigut ajornartorsiuteqarneq, kissarulunneq, inuunilunneq nukitsigullu anniarsaqarneq. Isit sinaanni pullattoqarnera takuneqarsinnaakkajuttarpoq. Sakkortuumik tunillatsissimagaanni nukiit taamatuttaaq uummat ilungersunartumik ajoquserneqarsinnaapput.



Trikinip qullugiaa poorsimasoq nannup neqaani. Allisitsiuserluni assiliisoqarsimavoq. **Assiliisoq: UNIO / DTU**

Sarcocyster: Sarcocyster titarnertut qaqortutut amitsutut takussaasarput neqimi qaqorteqqasunut (suaasanut qaqortunut) assingullutik. Sarcocyster Kalaallit Nunaata tuttuini takuneqarsimapput. Sarcocyster Kalaallit Nunaanni inunnut tunillaassimanersoq malussartoqarsimanngilaq. Nunani eqqiluisaarnikkut atortuluttuni sarcosysterinik tunillatsittoqarsinnaavoq, puulukit nersussuillu

neqaannik qalanneqarluangitsunik nerisimagaanni. Timminneq, kissarulunneq, meriarneq, nukitsigut nukillaanganeq nukitsigullu annerisaqarneq tunillatsinnermut takussutaasinnaapput.



Sarcocystis tuttip neqaani. Assiliisoq: Pinngortitaleriffik

Qumaarsussuaq: neqimi pullarinertut mikisutut, qaqortutut ammalortutullu takuneqarsinnaasarput. Ammalortut qaqortut taakku qumaarsussuup qullugiarai puulinngortut, *Taenia krabbei*, neqimi toqusarsimasut. Qumaarsussuaq inersimasoq nersutit qaasuttut soorlu assersuutigalugu teriannissat, qimmit amaqqullu inalugaanniittarpoq qullugiaalu tuttip umimmaallu neqaaniissinnaallutik. *Taenia krabbei*-inik Kalaallit Nunaanni inunnut tunillaattoqarneranik malussartoqarsimanngilaq. Inuit qumaarsussuaqalikkajunnerusarput puulukip neqaanik, aalisakkanit taserneersunit imaluunniit nersussuit neqaannik nunanit eqqiluisaarnikkut atortuluttuneersunik qalallugit sianneqarsimanngitsunik nerigaangamik. Qumaarsussuit amerlasuut napparsimalissutaasannngillat ilaalli naarlulersitsisinnaapput, meriannngulersitsillutik neriumarpiarunnaarsitsillutik akuttusuunillu sianiutilunnermillu malunniutsitsisinnaallutik.



Qumaarsussuup qullugiaa tuttip neqaani. Assiliisoq: Pinngortitaleriffik

Tuttup kumai: Tuttip kumaa inersimasoq augustusip qaammataani tuttip amianni quperlulioortarpoq. Taamaalereerpat quperloq tuttip amia putullugu pulasarloq tassanilu ukiisarluni. Maj/junimi quperlup tuttu qimattarjaa nunamilu puulinngortarluni inersimasunngornissami tungaanut kinguaariiaarnerlu aallaqqaataaniit allarteqqittarlugu. Tuttip

kumaa tuttunik puullaaqilersitsisarpoq sanigortitsisinnaallunilu, soorluttaaqq tuttup amianut ajoquisiinnaalluni. Inuit tuttup kumaasa quperluinik nerinermikkut tunillanneqarsinnaangillat. Taamaakkaluartoq inuit tunillatsissinnaanerannik allaaserinnittoqarsimavoq tuttup kumai inersimasut inuit nujaannut qarluinullu quperluliortarsimasut.



Tuttup kumaasa quperlui tuttumi. **Assiliisoq: F Ugarte.**

Tuttup iggiaata kumaa: Qaammatini juli-aggustimi tuttup iggiaata kumaata inersimasup quperlut uumasut tuttut sorluinut tissalukaartittarpai. Quperlut taamaalereerpat anersaartornermut aqquataasigut ilorpartertarput toqqusaavisalu iluanni nipputtarlutik, tassani ukiisarlutik. Maj/junimi quperlut anillaqqittarput imaluunniit tuttunit suppussaasarlutik. Taamaalereerpat quperlut nunami inersimasunngornissamik tungaanut puullinngortarput kinguaariinnerlu aallaqqaataaniit aallartittarlugu. Tuttup iggiaata kumaa tuttunik puullaaqilersitsisarpoq sanigortitsisinnaallunilu. Inuit tuttup kumaasa quperluinik nerinermikkut tunillanneqarsinnaangillat.



Cuyler / Pinngortitaleriffik

Ima ilioruit napparsimalissanngilatit;

Mianersornissamik tunngaveqarneq aallaavigalugu kaammattuutigineqassaaq nujuartat neqaat 75° Celsiusinut iluunngarlugit kissanneqartassasut. Taamatut uunartumiititsineq uumasuaqqanut miluuffigisaminut inuussutilinnut toqoraataassaaq. Neqi naammattumik qalaassaq siatarluunniit qasertumik kajorpasissumilluunniit qalipaateqalersarpoq.

Neqimik qerititsineq, pujoorineq nikkulinerluunniit *trikininut, qumaarsussuarnut sarcocysterinulluunniit toqoraataannqillat.*

Uumasut nujuartat neqaat qalanneqarluarsimanngitsut nunaannarmut qimanneqartassanngillat qimminulluunniit nerukkaatigineqartassanatik. Taakku tamarmik uumasuarsunnik ingerlatitseqqeqataasinnaapput tassami kinguaassiornerminni uumasut qaasuttut (soorlu teriannissat qimmillu) silutuumasullu pisariaqartikkamikkitt. Illittaaq qimmitit malussarniarfigisassavatit - ilittulli - neqimik tunillannartulimmik nerinermikkut napparsimalersinnaammata.

Neqinik uumasuarsunnik tunillanneqarsimasunik qimatsisariaqalissaguit kaammattuutigineqassaaq ikuallassagittit, minnerpaamik 1 meteritut ititigisumut nunami matuussagittit imaluunniit imaanut kivisissagittit.

Nalorniguit UNIO-mit kaammattuutigaarput neqi nerissanngikkitt.

Inussiarnersumik inuulluaqqusilluta/ Med venlig hilsen

Kalaallit Nunaanni Uumasunut Nakorsaqaqarnermut Inuussutissalerinermullu Oqartussaqaarfik

Apeqqtissat uunga ingerlatinneqassapput:

Kalaallit Nunaanni Uumasunut Nakorsaqaarfik Inuussutissalerinermullu Oqartussaaffik

Aqqusinersuaq 31 2 tv

3900 Nuuk

E-mail: uumasut@nanog.gl

Oqarasuaatip nr.: 34 50 00